

Powšitkowne WOZJEWJENJA

njedźelu, 15. oktobra 2017

Dźiwadlo a spěw

Serbska lajska dźiwadłowa skupina Chróscicy z.t. wuhotuje zhromadnje z Ralbičanskim chórom Lilija njedźelu, 15. oktobra, w 16 hodž. na Bizoldec žurli w Haslowje pisany program z předstajenjom třoch krótkich scenow a z chórowej hudźbu. Wšitcy su wutrobnje přeprošeni.

Mandźelski seminar

Přizjewjenja za přihot na sakrament mandźelstwa wot pjatka, do soboty, 1. do 2. decembra, w Smochćicach přijimaja so pisomnje hač do srjedy, 8. nowembra, w Dekanatnym dušepastyrstweje we Worklecach. Formularj k tomu su w cyrkwjach wupožene.

Nazymski program

Chór, rejwanska skupina a instrumentalisća 1. serbskeje kulturneje brigady z.t. přeprašuja wutrobnje na nazymski program, kotryž budže sobotu, 28. winowca, w 17.00 hodž. na žurli Budyskeje piwarnje a njedźelu, 29. winowca, w 15.30 hodž. na Krawčikec žurli w Chróscicach. Hosći wočakuje pisany program tradicionelnych a načasnych spěwow, rejoy kaž tež melodije na tradicionelnych serbskich instrumentach. Cyłkowny nawod změje Friedemann Böhme.

Lipa koncertuje w Haslowje a Wojerecach

Składnostnje swojeho 110lětneho wobstaća wuhotuje chór Lipa sobotu, 28. oktobra, w 19.30 hodž. wosebity nazymski koncert na Bizoldec žurli w Haslowje. Koncertej přizamknu so reje z kapału Con-takt. Zastupne lisćiki w předpředani móža sej zajimcy wot pónđzele, 16. oktobra, pola časnikarja Jürgen Njeka w Chróscicach kupić. Samsny koncert předstaja Lipjenjo njedźelu, 5. nowembra, we wobydlerskim centrumje Kufa na Piwarskej 1 we Wojerecach.

Eksercicije za Serbow

„Póšli swojeho Ducha a wobnowiš wobličo zemje... A tež mje!“ Pod tutym heslom su tež lětsa zaso eksercicije za Serbow w Drježdžanach Wysokich Dubach, wot pjatka, 3. nowembra, wječora hač do njedžele, 5. nowembra, připođnju. Wšitcy wěriwi ze serbskich wosadow su přeprašeni, so na tutych dnjach wobdželić. Přizjewjenja přijimaja so direktnje w Haus HohenEichen Exerzitienhaus, Dresdner Str. 73, 01326 Dresden, info@haus-hoheneichen.de, telefonowe čisło (03 51) 2 61 64 10 abo w Chróscicach na farje pod telefonowym čisłom (03 57 96) 8 04 00.